

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Promptvarii exequialis pars ...

Continens centurias II. dispositionum, quibus themata funebria sive
scripturae dicta varia ...

Bidembach, Felix

Francofurti, 1625

Thema LXXXVI.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

THEMA LXXXVI.

1. Pet. 5. v. 8.

Sobrii estote, vigilate, quia aduersarius vester Diabolus tanquam leo rugiens obambulat, quarens quem deuoret, cui resistite fortes in fide.

DISPOSITIO.

Si viator cuiquam obuiam venturus idem iter facienti narraret, quæ & quanta passus sit, à Leone fremente in sylua, eundemq; adhortaretur vt sibi præcaueret ab occursum leonis, modumque ostenderet, quomodo occasione sic ferente huic resistere possit, magnam procul dubio huic gratiam ageret & referret.

Quia igitur Petrus sæpius insultum huius leonis spiritualis expertus est, ideo fraterne agit, quod nos præmonet, ne in eiusdem incidamus occursum.

Cum itaque in hac vita nobis varia pericula obueniât, nec quisquam vsquam tutus esse possit, quin leonis rugitum vel occursum, experiri cogatur: ideoque vt vitemus huius occursum, vel si omnino deuitare non possumus, modo resistere ei absque damno liceat, Petrus nobis viam & modum monstrauit verbis iam prælectis.

Eius igitur ductum vt sequamur, duo nobis obseruanda erunt.

1. Quis iste leo obambulans.
2. Quomodo huic resistere valeamus.

I. Pars.

Diabolus vester aduersarius obambulat, tanquam leo rugiens, quarens quem deuoret.

Nos hic sumus in mundo, in quo Diabolus princeps est, ille igitur regnat in filiis *aduersus*, qui regnum eius propagare iugiter student. At cum paucos in nassam suam pertrahere possit, ideoq; laruarus incedit. Ac vt olim sub

V u s astuti

astuti serpentis specie decipit plurimos, utpote incautos & nihil tale metuentes: ita nunc sub finem mundi graetur scivius. Ideoque Petrus eius nos commonefaciens tanquam stertentes & in diem viuentes adhortatur, ut observemus non solum quod aduersarium, sed & qualem habeamus, nempe Diabolum, cuius truculentiam nobis describit sub figura **LEONIS**, qui est rex animalium, iracundos, sordendi cruoris avidissimus, ferocissimus, ac rapacissimus, sed & fortissimus. Accommodentur hæ proprietates ad Diabolum, spirituales seu infernales leonem, qui quærit quem deuoret.

LOCVS.

Discimus hinc, quam multis periculis plena sit hæ vigilia nostra præsens. Obiecti, vel expositi sumus, Ephes. 6. v. 12. Reſtori tenebrarum, Joan. 14. principi huius mundi: prædoni, qui in omnes rationes intentus est, quomodo prædam venari possit. Ille esuriens est. Et quia Christus Pastor animarum, 1. Pet. 2. regnum eius tanquam fortior armatus destruxit, arma abstulit in quibus confidebat, & spolia eius distribuit, Luc. 1. v. 22.

Ideoque instar leonis magna ira percitus est, Apoc. 12. v. 12. quomodo hanc quam sibi illatam esse putat injuriam, ulcisci possit.

Ac quoniam caput amplius aggredi non potest, Christum videlicet, Col. 2 qui expoliavit principatus, ac potestates ostentauit palam, triumphans de illis, per semetipsum, ideo membra affligit, ceu calcaneum Christi, in politia, in Ecclesia, in oeconomia.

Experti sunt semper sancti Dei homines illius maligni. Job afflictissimus omnium hominum adeo ut à planta pedum eius vsq; ad verticem capitis nihil sani in eo Job. 2 v. 7. Vi tæccam, quæ Patriarchæ, in primis Abraham & Jacob perpeffi sunt. Id omne provenit à satellitio Dæmonis, qui ipsos instigat ad affligendū pios. Quid possit illa malignus & quid tentet, vide Matt. 15. v. 22. Mar. 5. v. 1. & 9.

1. 5. v. 22. a
luane, E
10. Adipiani
tionem Diab
erim horridis
cum semper

Maleigni
no Diaboli
haberi. Petrus
peritens embra
vair pro poge
sed altatum
in integrū,
etna dam

Quomodo
lo occurran
vigilantia.
vigilans est
circumveni
1. Sobrius
iter, sed etia
per stertens
German. Jen
per Diabol
sile fit ius q
reſistere, v
At vigilan
corpus corpe
vitas est, sed
occasionem
quod requirit
1. Verum e
DIVA SPIR

& 9. v. 22. Luc. 11. v. 14. sed grauiora sunt illa tela ignita Satanae, Eph. 6. v. 16. Vide passiones Pauli, 2. Corint. 1. 2. v. 10. Idipsum experiuntur omnes mox post abrenunciationem Diaboli in baptismo factam. Ab eo tempore ἀσπῆδον πόλεμον gerendum cum Diabolo, & ipse nobiscum semper pugnat.

V S V S.

Male igitur agunt qui omne id, quod de indefesso studio Diaboli in concione proponitur, pro meris ludicris habent. Petrus qui hæc expertus est, quod Diabolus illum perierit cribrare. Luc. 22. tāquam triticum, illum non habuit pro *μορμολυκίῳ*, hoc est, pro larua aut spectro inani, sed altitum esse cognouit, quem nisi Christus restituisset in integrū, Diabolus plane absorpsisset, & in barathrum æternæ damnationis attraxisset.

II. Pars.

Quomodo autem resisti possit aduersario siue Diabolo occurrenti, Petrus optime nouit: nempe sobrietate & vigilantia. Nam quia indefessus noster Antagonista valde vigilans est, nullum non mouet lapidem, quomodo nos circumuenire possit.

1. Sobrii igitur simus ac vigilemus non solum spiritualmente, sed etiam corporaliter, nam pigrum corpus ac semper stertens (vāsuper hunc locum inquit Luther. Tom. 2. German. Jenens. fol. 352. b) quod instar epicuri sese replet, Diabolo nequaquam poterit resistere, cum satis difficile sit iis, qui fidem & spiritum sanctum habent, semper sic resistere, vt retrocedat.

At vigilandum quidem vt & sobrietati studendum ne corpus torpeat. Sed Diabolus per hæc media nondum abactus est, sed hoc fiat tantum, quo minus corpori demus occasionem in peccatum incidendi. Aliud deinde accedat quod sequitur.

2. Verum & efficacissimum remedium, id est, vt GLADIVM SPIRITVS (Eph. 6. v. 17.) apte reprehendamus, id est,
IN

IN FIDE ROBUSTI & BENE ANIMATI SIMUS. Nam si in corde fixit radicem fides, & solide est fundata in verbo Dei, quod est gladius biceps & acutus, imo & acutior & quovis gladio penetrantior (Heb. 4. v. 12.) tum Diabolus persistere non amplius potest, sed fugatur. Ideoque nunquam somnolenti & temulenti simus, ne arrepta hac occasione de nouo nos aggrediatur, circumueniat & in barathrum suum præcipitet. Hoc est quod Petrus monet vt resistamus fortiter in fide.

3. Tandem accedant etiam preces frequentiores, ex fide profectæ, iuxta id Christi, orate, Marc. 14. v. 38. Mat. 26 v. 41.

F I N I S.

T H E M A LXXXVII.

2. Pet. 1. v. 14.

Scio quod tabernaculum breui sim depositurus: quemadmodum & Dominus noster Iesus Christus significauit mihi.

D I S P O S I T I O.

Petrus in transfiguratione Christi iustum quandam percipiens vitæ æternæ, præ gaudio in hæc verba erupit: Domine hic bonum est esse, faciamus tria tabernacula, tibi vnum, Moyfi vnum, & Eliæ vnum.

Ex hoc tempore semper appetuit vitam æternam, sed olim dum laudauit, quod violenta mors sibi expectanda sit, & alius eum ducturus sit, quo non velit, caro infirma tum fuit, Joh. 21. v. 20. Spiritus autem nunc promptus est, ac paratus ad quoduis supplicii genus. Mutatus enim est in alium virum. Is spiritus etiam tum, cum hæc scriberet, tantas ipsi vires, robur ac animum addidit, vt ex negotio intrepidus meminerit sui martyrii, quod in propinquo erat.

De